



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Luneburgi.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

*Moribus ornata sibi conjux est sociata.
 Pauperibus larga simplicitate pia,
 Inclita Mechtildis Anglorum filia Regis.
 Nutriat angelicis hos DEUS ipse cibus.
 Adjacet aptatus Rex horum sanguine natus
 Otto coronatus, vermibus esca datus
 Hujus erat post sponsa Philippi stirps generosa,
 Filia formosa, nunc cinis, antérosa.
 Qui legis hac metra, memor esto orans pro poëta.
 Quid caro, quid vita, quid res? nisi mors, cinis, umbra.*

LUNEBURGI.

EPITAPHIUM HERMANNI TULI-
 chii, primi scholæ Luneb. Rectoris.

Hermannus jacet hic Tulichus ille,
 Orator bonus, & Poëta felix,
 Hujus sceptrum schola tenebat urbis
 Magna laude diu, sed ante tempus,
 Tantum fata virum abstulere mundo,
 Cum mærore gravi omnium bonorum.

Obiit an. 1540. Julii 28. ætat. 54.

JOHANNIS BATHELII COSFELD.
 secundi Rectoris scholæ Lüneburgensis.

*Qui fuit exemplar sancta memorabile vita,
 Hujus & eximius Gymnasiarcha schola,
 Doctrina clarus, pietate verendus & annis,
 Pacis amans, frugi, sedulus absq; dolo.
 Quo duce per varias artes deducta juventus
 Atq; indefesso docta labore fuit.
 Suaviter hoc tumulo, tenuiq; Bathelii urna
 Dormit ad extremi tempora judicii.*

Obiit anno 1578. mense Septemb.
 Anno ætatis 77.

GEORGII STENII CITHAROEDI.

*Stenius hic recubat testudine ludere doctus,
Cui peperit nullum Teutona terra parem.
Cum moriebatur, Musa Charitesq; gemebant,
Tristis & abjecta flebat Apollo lyra.
Atq; calum risit, quoniam ut mortalibus antè,
Sic insigne melos nunc canit ille Deo.*

ALBERTI ZERSTEDII PATRIII
Lüneburgensis.

*Vir probus, & vita pietati deditus omni,
Pauperibus largas distribuebat opes.
Qui sua nunc isto dedit ossa tegenda sepulchro,
Ipse sed in Christo gaudia dives habet.*

In cratere aureo, variis nummis diversis tempo-
ribus cufis conspicuo, quorum ulti-
mus excupro est.

*Bey der Münz sol man lehren
Wie sich die welt thut verkehren.*

A L I U D.

Henrico Husano Isenacēsi Thuringo, ab ineunte ætate in Germania, Italia & Gallia bonis litteris & linguis exculto, & mox supra ætatem egregio oratori, politico & J. Cto. Saxonix & multorum principum consiliario & legato, Cancellario Megapolitano, & post aulicarum iactationum tædium Luneb. quoque Reipub. syndico, dexterritate & usu rerum conspicuo: & in consiliis, transactionibus & pacificationibus mirificè expetito, pieq; hic defuncto, in spem optatiss. resurrectionis uxor & liberi cum lachrym. pp.

CIRCA IDEM MONUMENT.

COELUM POLITEUMA PIORUM EST.
*Christo uno duce carpe viam; sic itur ad astra.
Aurea pulvereis præstant aterna caducis.*

Nulli

HERVORDIÆ.

351

Nulli sine Marte triumpho.

VITA CRESCENDO DECRESCIT.

MORS LILIA SENTIBUS ÆQUAT.

*Nil fragile à fracto differt; quod tu esse solebas,
Ipse fui, si es tu quoq; sum quod ego.*



HERVORDIÆ.

TUMULUS

Jo. GLANDORPII MONASTERIENSIS
scholæ ibid. Rectoris.

Luce bis undena Februi Glandorpius atris
Absumptus curis in sua fata ruit.

*Ossa boni cineresq; viri regit humida tellus,
Aspectu fruitur mens animosa Dei.*

E regione hujus tumuli in columna lapidea.

*Glandorpi, cujus studiumq; fidemq; juvenus
Sensit, amans tellus hoc capit ossa sola.*

De eodem Henr. Sibæus Olphenius.

Lector amans Christi, jacet hic Glandorpius ille,

Musarum cultor, Pieridumq; decus.

*Quem nunquam vivum Germania tota prebendit,
Defunctum tumulus continet exiguus.*

MAGDEBURGÆ.

JUL. CÆS. SCALIGER.

VOs ego magnanimis invictos Saxonas armis,
Atq; graves Martis turbine canto duces.

Non Macedo tu miles eras. Sic Gracia mendax

Facta tua in laudes transtulit alta suas.

Non veteres huc te quondam misere Britannia

Quin jam servavit terra Britanna tibi.